

*Ad ea quae in Supplemento Prodromi Florae Hispanicae a domino  
Mauritio Willkomm publicata fuit anno 1893*

## APPENDIX

SEU PAUCARUM SPECIERUM NOVARUM  
VEL MINUS COGNITARUM EX EXCURSIONIBUS IN HISPANIA SUSCEPTIS  
NON COMMEMORATARUM EXPOSITIO

---

*Neslia hispanica* mihi. Glaberrima, caule simplici erecto vel adscendente; foliis radicalibus petiolato-spathulatis inferne dentatis rotundato-auriculatis, caulinis a basi sensim decrescentibus sessilibus sagittato-semi amplexi caulibus integris obtusis apice dilatatis; floribus parvis in racemos densos demum frutescentibus elongato-dispositis, pedicellis fructiferis erectis robustis silicula faere duplo longioribus, petalis albis sepala duplo breviora, siliculis crustaceo-reticulatis ovalibus acutatis unispermis.

Hispan-merid. regn. Valentino v. Murcico in agris.  
Apr. Mai.

*Rosa nevadensis* Porta et Rigo. Sect. stylosae. Caulibus 1½-2 m. l. erectis, ramulorum cortice rubescente; aculeis plus minusve uncinatis deorsum valde incrassatis; foliolis 5-7 ovato-obtusis coriaceis, supra lucidis sparse pilosulis, subtus glaucescentibus ad nervos tantum villosis, simpliciter vel duplicato serratis; floribus saepe binis, bracteis cordato-lanceolatis margine glanduloso-hispidis; toro fructifero ovato vel elliptico-glanduloso; sepalis minoribus integris, majoribus appendiculatis margine glandulosis.

Foliis, petiolis, pedicellisque utrinque intense stipitato-glanduliferis. Regn. Granat. sierra Nevada, in nemoribus ad Cerro Aguilones de Dilar. sol. cal. alt. 2000-2100 m. Iul. Augt.

Anacycus Freyni Porta et Rigo. Humifusum multicaulis; caule ramosissimo pluricephalo; (ramis, apice nudis monocephalis) inferne sparse superne villosior-lanato, villis horizontaliter patentibus; foliis semiamplexicaulibus, inferioribus petiolatis, supernis sessilibus bipinnatisectis, segmentis linearibus obtuse-mucronatis superne glabris, subtus ad nervos ciliatis; anthodii squamis ovato-lanceolatis paleaciiis dorso atro-virentibus, margine et apice scariosis; ligulis purpureis apice crenatis albis, disco flavo brevioribus; achaeniis cuneiformibus, externis in alas triang. divaricatas desinentibus, interioribus corniculatis. Reg. Mure. in herbis et pascuis pr. pag. Alcaraz et ad semitas inter Alcaraz et. pag. Vianos. sol. cal. alt. 7-800 m. Iun.

Erigeron alpinus L. B. nevadensis H. P. R. Differt à spec. indumento cinereo-virens basi coespitosus, caulibus foliisque dense pubescentibus, statura 3-4plo minore, anthodii squamis disco haud attingentibus, ligulis filiformibus intense coloratis et dimidio brevioribus. Reg. Granat. in cacumine m. Mulahacen sierra Nevada. sol. schist. alt. 3200-3300 m. Augt.

Cirsium histrix mihi. Rhizomate crasso; caule brevissimo 5-6" l. foliato spinis luteis imbricatis tecto; foliis dense rosulatis lineari-lanceolatis, basi attenuatis non decurrentibus, supra sparse subtus praesertim ad nervum medium arachnoideis, omnibus pinnato-partiis, partitionibus laciniato-lobatis, lobis triangularibus in spinam validam 5-6" l. terminatis margine undique spinuloso-ciliatis; calathiis glomerato-aggregatis 6-10 brevissime stipitatis 4-5" l. pedunculis tomento bombycino vestitis; anthodii ovoidei, squamis dorso angulato-convexis paleaceo-immaculatis vel junioribus pallidissime virentibus, omnibus interne viridibus et in spinulam robustam attenuatis, apice laeviter arachnoideis reflexis; corollis roseis; achaenia

(matura ignota) pappo albo sextuplo breviora. Reg. Valent. in pascuis elatioribus sierra Mariola, sol. cal. alt. 1800-2000. Iul. raris.

*Carduncellus Dianus* Webb. Caule parce ramoso elato 2-3 pedalis, fol. inferioribus petiolatis, petiolis basi dilatatis bombylifoeris basi tantum laciniato-pinnatifidis vel pinnatis, laciniis lineari-lanceolatis pinnisque obovato-lanceolatis integris vel sparse minute-dentatis apiculatis; anthodii squamis obovato-lanceolatis, comformibus, ciliatis, exterioribus 3-5 nervis virescentibus, interioribus 10-12 nerviis luteolis, intimis apice dilatato-scariosis appendiculatis, appendice alba fimbriata. Caule, foliisque ad nervum dorsale nervoso-striatis. Reg. Valent. in rupibus elatioribus m. Iovis pr. urb. Denia sol. cal. alt. 4-600 m. Mai.

*Hieracium cataractarum* Arv. Tou. Trib. Gymnocl. Schoele, sect. vulgata. Caule erecto vel adscendente 4-7" l. apice 1-3 cephalo tereti striato, inferne glabro, medio sparse, superne tomentoso-lanato ad pedunculorum ortum tantum foliato; foliis rosularum externis ovato-obtusis, internis angustioribus oblungo-lanceolatis, supra glabris purpureo-maculatis, subtus ad nervos margineque lanatis, remote denticulatis petiolatis, petiolis utrinque lana candidissima et longissima obductis; pedunculis, calathio mediocri longioribus; anthodii ovati, squamis acuminatis atro-viridibus albo lanatis dorso aequae ac pedunculis pilis brevioribus nigro-glandulosis sparsim intermixtis; ligulis luteis dentatis, stylus luteus; achaenia atra, costis apice plica annuliformi connexis; pappo plumoso paululum breviora. Reg. Murc. in fissuris rupium ad cataractas de los Chorros pr. pag. S. Iuan de Alcaraz, sol. cal. alt. 800-1000 m. Iul.

*Iasion euphrasioefolia* mihi. Humilis 8-10" l. glaberrima multicaulis; caule divaricato ramoso sulcato; foliis linearibus utrinque sinuato-dentatis sessilibus; calathiis 4-10" lat. phyllis viridibus ovato-lanceolatis dentato-acutis margine a basi usque ad medium ciliatis; calycis laci-

niis capillaribus sub apice breviter introrsum ciliatis. Una ex multiformibus varietatibus *I. montanae*. Reg. Murc. in glareosis dolomiticis montium sierra Segura supra pag. Orsera. alt. 800-1000 m. Iul.

*Teucrium Freyni* Reverch. Sut. Polium. Suffruticosum velutino-cinereum; caulibus fragilibus intricatis ramoso-flexuosis 6-10" l.; foliis brevissime petiolulatis oppositis deltoideis vel ovata-basi cuneatis, supra nitidis, subtus elevato-nervosis grosse crenatis, floralibus integris linearispathulatis calyce brevioribus; capitulo ovato congesto; calyce basi obliquo pedicello triplo longiore, dentibus brevissimis triangulare-acutis aequalibus; corollae flavescens tubo exerto, labii lacinia infima alba subrotundo-ovata relique linearibus brevioribus, intermediis angustissimis. Reg. Granat. in rupium rimis sierra Cabrera. sol. cal. alt. 300-500 m. Mai.

*Thymus murcicus* mihi. Differt a membranaceo caulibus debilioribus e rupibus pendulis, ramulos plures breves adscendentes edentibus; foliis a basi ad apicem sensim ampliatis, floralibus inferioribus viridibus, supremis membranaceis albicantibus non roseis neque capitulis globosis sed subspicatis et corolla duplo latiore.

*Bellevalia (sylvestris)* mihi. Sect. *Leopoldiae* Parl. Bulbo pyriformi, tunica externa nigricante, internis rubescentibus composito; scapo terete erecto trifoliato apicem versus coerulescente; foliis late linearibus lanceolato-obtusis scapo longioribus margine ciliato-scaberrimis; racemo brevi densiusculo, floribus fertilibus brevissime pedicellatis vel mediam perigonii longitudinem circiter attingentibus, sub anthesi horizontaliter patentibus demum reflexis; perigonium corollinum subventricosum angulato-cylindricum luteo-album, infra faucem constrictum, limbo brevi sexdentato, dentibus subaequalibus obtusis, internis apice laeviter bilobis caeruleo-nervosis, abortivis caeruleis patule adscendentibus longe pedunculatis corymbosis, bracteis membranaceis minimis; filamenta perigonii tubo secundum longi-

*Sierra de la  
Juncos ant.*

tudinem adnata apice libera subulata, antherae allipticae apice bilobae introrsae medio dorsi affixe intensius coeruleae; ovarium liberum sessile ovatum obtuse trigonum, stylus breviusculus stamina subaequans subulatus erectus, stigma trilobum. Reg. Murc. in sylvis inter S. Iuan de Alcaraz et los Chorros. Iul. initio.

*Colonia, die 23 Mart. 1895.*

P. PETRUS PORTA.

---

---

Estratto dagli Atti dell' I. R. Accademia di Scienze Lettere ed Arti degli Agiati  
Serie III, Vol. II, Fascicolo III — Anno 1896.

---

---